



老榕樹

莊肚羅屋夥房圍牆臂，有一頭一兩百年个老榕樹，這老榕樹个樹身愛有四、五個細人手牽手正圍得核。這頭老榕樹當旺壯，開枝散葉，遠遠看去像一隻當大支个青遮，遮核羅屋伙房一半个禾埕，羅屋个大大細細做下在這樹下成長、大漢，在圍牆外背个樹蔭下，擺有幾張藤凳，係附近老人家坐寮、譚多个好所在。

羅屋有五兄弟，兄弟各人專長、性體無相同，毋過從細感情都真和掇。大哥、二哥做兵轉來斯討舖娘，五兄弟珍緊老阿爸打林，兩姊嫂同家娘在屋家煮食、渡細人，日過來也已和樂。有媒人介紹一個好額人个妹，分三阿哥做舖娘，這三嫂戴毋慣莊下，嫁過來第一個月斯吵愛搬出去戴，三阿哥毋敢同屋家人開口，為著這，兩公姐斯日合夜冤家羅債。

半年過撇，三嫂大肚屎咧。有一日食夜，佢斯同屋家人聘講，等細人降出來，厥等斯愛搬出去戴，若無，佢斯愛同三阿哥離婚。該暗晡，羅屋電火光光光，歸屋家人坐在神明廳參詳。臨尾，阿爸為著保全三哥个婚姻，做出決定：「樹大杈桎，子大分家」，等三嫂滿月，五兄弟斯拈鬮來分家。

日視日，三嫂降俵也滿月咧。好時好日，請來母舅公同厥爸共下做主，分五兄弟在神明廳來拈鬮，莊肚个人也來看鬧熱。拈鬮結果，大哥同二哥一個拈著山項个柑園，一個分著平洋洋个梨園，第三個拈著河壩田，第四個分著屋臂个桃園，第五個分著羅家个伙房屋，母舅公做主講，第四同第五個言討，暫時使得同阿爸阿姆共下戴在夥房屋。

兄弟五儕無意見，安安分分照拈鬮个結果，自家出去尋屋戴抑係打林做事。毋過，講也奇怪，該頭青溜溜个大榕樹嘎開始燥桎、敝葉咧！半個月較加，榕樹俚羅屋圍牆這向个葉做下黃撇，跌都歸禾埕个落葉。無幾久，羅屋第四個俵嘎發生車禍死撇，厥姆傷心都奈毋得，噉去失聲，嘎講話毋出。臨尾連吞飯都難，緊瘦弱落去，本本好好个人，半年零斯瘦去皮包骨，又過無幾個月斯過身咧。

三阿哥認為厥家官分田產無公平，厥等分著河壩田，若堵著風搓做大水，損失會比別個兄弟較嚴重，譴去毋肯厥老公、細人同羅屋人來去，還自家大主大意同河壩田賣撇，過年過節也毋識轉，厥兩個阿哥去講也無效，加分人忤斯有。厥家官為著恁泥，闕去見人斯投講：「長毛个作怪，害俵少一個俵。」

羅屋屋臂該頭百年榕樹，歸半析燥死，伸白罕白罕个樹桎，俚大路該析也無已旺，燥絲燥絲，原旦密密个樹葉，嘎一搭一搭像臭頭个樣，遠遠看過去，既經毋係青青个遮，嘎像係一個孤栖个老人頭咧！

作者：徐姿華

☆詞彙學習☆

【譚多】damˋ deˋ：閒聊。

【和掇】foˋ noˋ：相處融洽。

【拈鬮】ngiam+ kieu+：抽籤決定事情；分家產。

【青溜溜】ciang+ liu+ liu+：綠油油。

【大主大意】taiˋ zhuˋ taiˋ rhiˋ：自作主張，不參考別人意見。

【分人忤】bun+ nginˋ budˋ：被人趕出門。

【長毛个】chongˋ mo+ gai+：長頭髮的，指女性。文中指三媳婦。

【白罕白罕】pagˋ hanˋ pagˋ hanˋ：蒼白的。